



**Religiun e spiritualitad**

Georg Schmid ha dà ina survista da la fiera religiosa che ha da preschent conjuntura auta.

2



**In cudesch per il giubileum**

Savognin Pendicularas SA preschenta in cudesch per il giubileum da 50 onns.

9

**DIE SÜDOSTSCHWEIZ**

**LA QUOTIDIANA**

Redacziun: Via comerciala 22, 7007 Cuiria, tel. 081 920 07 10, fax 081 920 07 15

**Es daman propcha tuot a fin?**

■ (anr/rd) **Pels 21 december vain preditta la fin dal muond.** Il chalendar dals Maya in America centrala finischa davu 5125 onns. Perquai esa per tuot quels chi crajan da quistas robas vairamaing cler: Il muond va suot. Quella previsiun ha pesserà per gronda malsgürezza sün tuot il muond. A chi vaja pro la fin dal muond, a tuot ils umans

o be a quels chi crajan? *Gina Camichel* da La Punt-Chamuesch, *Annastasia Parli* da S-chanf, *Bartel Demonti* da Scuol, *Abilio Rodrigues Joaquim* e *Marino Denoth* da Zernez han dat resposta co chi vezzan e che impissamaints ch'els han davart la fin dal muond.

> PAGINA 7

**Destinaziuns èn cuntentas cun reservaziuns**

■ (rtr) **Las destinaziuns d'enviern en il Grischun en cuntentas cun las reservaziuns per Nadal/Bumaun.** Surtut la naiv ch'è crudada l'entschatta december ha animà blers da passentar vacanzas en il Grischun. *Niculin Meyer*, pledader da medias da la destinaziun Engiadina Scuol Samignun, di ch'i na saja dentant betg mo im-

puttant ch'i ha dà naiv en il Grischun, mabain era giu la Bassa. Pir lura survegnia la gliued gust da far vacanzas da skis. Quai sa cunfa era cun las experientschas da las autras destinaziuns. Unic tar la destinaziun Bravuogn/Filisur n'ha la naiv betg gi' in' influenza sin las reservaziuns. Els hajan surtut giast stabels che vegnian mintg'onn.

**Fixar en la lescha mo in vial per direcziun**

■ (rtr) **Er tar in segund tunnel al Gottard vul il cussegl federal che mo in vial per direcziun stettia a disposiziun.** En quest connex pudessi dar in referendum. Gia il zercladur passà aveva il cussegl federal decidì da con-

struir in segund tunnel al Gottard per pudair sanar il tunnel existent. Uschia restia la ruta charrabla l'entir temp malgrà ch'ins serra l'emprim tunnel. Per quest intent na dovria quai betg adattaziuns da la lescha.

**Il post d'integraziun ei gia vacants**

L'integraziun dils jasters ei ina lavur relativamein complexa

DA HANS HUONDER / ANR

■ **Las autoritads communalas da Mustér han sutschazegiau la complexitad dil niev post d'integraziun. Dapi plirs meins ei quel gia vacants.** Avon rodund in onn ha la suprastanza communal presentau el Center Aua Viva a Raveras il post d'integraziun dalla vischnaunca e siu menader *Francis Etique*. Rodund miez onn ei quel staus engaschus en quella funcziun, denter auter ha el puschiu als jasters la pussevliadad d'ina ura d'audiencia jamnila. «Da quella han fetg paucas persunas fatg diever», di Francis Etique en viers l'Agentura da novitads rumantscha. Igl interess dils jasters persuerter seigi staus minimis. Medemamein ha el empruau d'organisar cuors da lungatg. Quella idea ha fatg naufragi essend ch'igl ei buca reussiu da catar persunas che fussen stadas prontas da dar l'instrucziun corrispundenta. «Probablamein havein nus sutschazegiau la complexitad da quella incumbensa», di il president communal *Dumeni Columberg*. Morts ei il project



Il post d'integraziun dils jasters dalla vischnaunca da Mustér ei il mument vacants.

FOTO H. HUONDER

pervia dalla demissiun dil menader dil post denton buca: «Ei vegn ad esser in'incarica dalla suprastanza communal da mirar co cuntinuar.» Mustér ei stau ina

dallas empremas vischnauncas el cantun Grischun che ha schaffu in tal post. Il basegn per in tal ei semussaus tier la presentaziun dil post avon rodund in onn. Lu ha-

vevan biars jasters – surtut Portughes – laschau informar davart il project.

> PAGINA 3

**Art «tanter Festas» in Val Müstair**

■ (anr/mfo) Schabain cha l'avegnir dal center cultural Chastè da cultura Fuldera nun es amo sgürà organischa la società correspundenta eir quist on l'exposiziun «tanter Festas». «Quist' exposiziun gioda grond'arcugnuschentscha e nus eschan superbis da pudair spordscher tanter Nadal ed il cumanzamaint dal nou on ün arandschamaint special per indigens e giasts da la Val Müstair», disch *Aldo Rodigari* da Fuldera chi'd es il president da la Società Chastè da cultura Fuldera. L'interess dad artistas ed artists indigens es tenor sias infuormaziuns grond e quai demuossa tenor el cha'l bsögn da pudair expuoner in Val Müstair es grond. Chi's vögla cuntinuar cun dar la schanza ad artists indigens d'as preschantar, disch Rodigari. E quai eir in avegnir e cumbain cha'ls manaders dal Chastè da cultura han demischiu'nà lur incumbenza per la prosma primavaira.

> PAGINA 7

Servetsch d'abunents e da distribuziun: tel. 0844 226 226 mail: abo@suedostschweiz.ch



Malgrà la buna lavur. La manadra da la Chasa Editura Rumantscha, Anita Capaul, ha retschavi la brev blaua.

FOTO O. ITEM

**La manadra da la Chasa Editura Rumantscha sto ir**

■ (anr/ac) **La dumonda da la finanziaziun tranter chantun e Lia Rumantscha davart la Chasa Editura Rumantscha n'è anc betg sclerida.** Pertutgant l'avegnir da la Chasa Editura Rumantscha (CER) stat sulet ina persuna avant clers fatgs. I sa tracta da la manadra a la CER *Anita Capaul* che ha retschavi in bel regal da Nadal en furma dad ina brev blaua. Sin la fin da mars

è sia incarica terminada. Tenor ils responsabels da la Lia Rumantscha, l'instituziun purtadra da la CER, è la piazza vegnida visada pervia da la situaziun finanziaia intscherta da la chasa editura. Au-tras funtaunas discurren da dissonanzas tranter Lia e Chasa Editura Rumantscha sco motiv per la visada.

> PAGINA 3

**Profil da neiv dat sclariment**

Cuors da lavinas en favur dalla segirtad sin via

■ (anr/gv) **30 collaboraturs digl uffeci da construcziun bassa ed ulteriurs umens che sefatschantan culla neiv e cul prighel da lavina han cavau il gliendisdis vargau neiv ellas plauncas entuorn il Tgom.** En in cuors da repetiziun organisaus dil district Surselva digl uffeci da construcziun bassa han els fatg profils da neiv per emprender

d'eruir il prighel da lavina. Las lavinas caschunan meinsvart fastedis als responsabels per la segirtad dallas vias e perquei frequentan els mintg'onn in cuors da repetiziun organisaus da *Pius Cavegn* da Sedrun. Il survegiler da construcziun da Camischolas ha engaschau *Gian Darms* da Ruschein pil cuors da repetiziun da quest onn. Il geo-

graf da 28 onns ei prognosticher da lavinas agl Institut per la perscrutaziun da neiv e lavinas a Tavau. Suentar la pratica ella neiv ha el mussau cun quater exempels ils prighels che sedattan da differenta neiv ed ha era raquintau digl engaschi digl institut a Tavau.

> PAGINA 5



El cuors da lavina al Tgom han ils participonts cavau neiv per far in profil. Hugo Deflorin (seniester) diregia ses cameras.

FOTO G. VENZIN